

新纂雲南通志

第四
卷十冊

新纂雲南通志卷三十六目錄

地理考十六

津梁一

雲南府

大理府

新纂雲南通志卷三十六

地理考十六

津梁一

濟河越川舟楫之外津梁爲要滇居大江上游地方之間有一水之隔而幾如老死不相往來者邊區則度笮懸繩今猶存其跡文化發達之區有鎔鐵作練鑿巖成孔以駕洪濤而利行旅者其爲工程亦至堅鉅茲本光緒志及續志益以冊報分府列舉如次

雲南府

古橋渡 昆池源從金馬山東北來拓東城北數十餘里官路有橋

渡池流爲河過安甯城下互水東西有橋三十一闊長三百餘步

樊綽
蠻書

道光志案今
其址無考

昆明縣

嵩山古渡

在城東一里嵩山寺前

雍正志

知府許宏勳額曰登彼岸

雍正志

高嶢渡

在城西三十里舟達本城版壩河

雍正志

縣橋

在城大東門內布政使署東首明黔國公沐氏建

雍正志

永清橋

在城內菜海子邊清康熙二十年重建

舊志

一在城東北數

澤門外舊永清門

雲南府志

焦三橋

在城大東門外半里明時修建

雍正志

在城東一里重關外

雲南府志

廣惠橋

在城大東門外半里清康熙四十九年副將周士元重修

易名福德橋

雍正志

地藏橋

在城東二里許地藏寺後跨金汁河上

雍正志

桂林橋

在城東二里許跨金汁河上一名相公隄清康熙間重修

建奎樓於上今樓燬橋存

道光志

打魚橋 在城東三里許兵燹圯清光緒十年士民李德義張應辰

等重修

光緒志

溥潤橋 在城東十里舊名至正橋清康熙三十五年重修易今名

雍正志

豐樂橋 在城東三十里爲往來驛道清雍正元年郡人王應龍重

修

雍正志

光緒六年紳耆李旺請由善後局籌款重修新建石壩一道

光緒志

雲津橋 在城東南二里許一名得勝橋水出盤龍江流經商山下

過郡城入滇池舊名大德橋毀於兵明洪武二十六年西平侯沐

春重修以其當雲南之要津易今名

雍正志

清道光八年總督阮元重

修上覆瓦屋徹夜燈燭輝煌俗名雲津夜市

道光志

雲津小橋

在雲津橋旁清康熙間修係卸水孔道年久淤塞

道光志

通濟橋

在雲津橋西一名奏功橋水即盤龍江支流明成化間建

雍正志

源由盤龍江達濠水流入於市而不可渡因建是橋元梁王格

殺段平章於此今水涸而橋存

雲南府志

太平橋

在城東南二里古名賸甄橋蜀漢諸葛武侯建清康熙四

十五年重修

雍正志

小橋

在太平橋西二百武

雍正志

老崔橋

在城東南三十里明成化間建清雍正元年郡人王應奎

重修

雍正志

在城東十五里

雲南府志

珠市橋

在城南門外

道光志

鳳凰橋 在城南門外通濠水以達盤龍江蜀漢諸葛武侯建雍正志

吳西橋 在城南小澤口水德蕭祠前江西客民建光緒志

土橋 在城南二里東寺街今改名東西石橋又名桂香橋明總兵

鄧子龍建雍正志

版壩河橋 在城南二里西寺街一名望安橋明萬曆間建雍正志

明月橋 在城南二里東寺街跨玉帶河俗名三板橋清光緒五年

糧儲道崔尊彝水利同知覺羅明圖籌款重修光緒志

引鳳橋 在城南二里螺螄灣舊名新橋明萬曆間建雍正志清光緒五

年官紳朱兆文等重修光緒志

銀安橋 在城南三里馬家營俗名圓匡橋跨楊家河清光緒六年

重修光緒志

吳井橋 在城南三里以井得名或云建於吳氏明黔國公沐氏重

修

雍正志

在城南五里

雲南府志

前衛營橋 在城南三里許明通河上兵燹圯清光緒間糧儲道崔

尊彝代理水利同知駱鈞籌款重修

光緒志

解家橋

在城南五里清光緒四年士民潘國元等重修

光緒志

迎仙橋

在城南五里盤龍江上清同治間毀光緒六年糧儲道崔

尊彝代理水利同知駱鈞籌款重修

光緒志

秧雞橋

在城南十里清光緒五年朱兆文重修

光緒志

永勝橋

在城南十里永暢河上兵燹圯清光緒七年由善後局籌

款重修

光緒志

翰林橋

在城南十里南壩清康熙二十二年巡撫王繼文重修

雍正志

永豐橋 在城南十里許盤龍江上清康熙六十年郡人張文傑洪

國才等捐建乾隆五年郡人楊懋張倫等捐修同治七年兵燹傾

圯光緒七年紳耆楊增馬有功等由善後局籌款重修光緒志

馬房橋 在城南雄川堡清同治間毀於兵光緒志

新濟橋 在城南十五里春登里兵燹傾圯清光緒五年署布政使

崔尊彝署糧儲道胡允林籌款重修光緒志

萬寶橋 在城南二十里舊門里寶象河上被水沖潰清光緒七年

糧儲道崇繕水利同知貴端重修並修石岸十餘丈光緒志

嚴家橋 在城南嚴家堡下五甲清光緒七年鄉民楊萃等指修木

橋光緒志

鳴遠橋 在城西南半里順城街一名燒豬橋明黔國公沐民建雍正志

小澤口橋 在城西南一里一名雞鳴橋明天順間建

雍正志

望仙橋

在城西南五里南壩明天順間建後毀於兵

雍正志

清光緒四

年重修

光緒志

馬灑營橋

在望仙橋下清光緒四年重修

光緒志

假溪橋

在城小西門外半里通迤西大道清康熙二十年重修

雍正志

石橋

在城小西門外三里許一名月明橋

雍正志

梁家橋

在城西五里許海源河上清光緒六年糧儲道崔尊彝新

建石橋二座

光緒志

新石橋

在城西五里近栗家窪兵燹傾圮清光緒四年鄉耆栗正

純張應辰重修

光緒志

枋橋

在城西五里趙家堆後舊係木梁清光緒八年官紳重建易

以石光緒志

土堆石橋 在城西五里毀於兵清光緒八年官紳重建光緒志

西板橋 在城西七里許近黑林舖一名牛心橋明萬曆間建雍正志

明家橋 在城西十里魚翅河上兵燹傾圮清光緒十年官紳重修

光緒志

潘家灣橋 在城西清同治十年糧儲道韓錦雲水利同知朱百梅

籌款重修光緒志

金鎖橋 在城西四十里高嶢小村相傳蜀漢諸葛武侯建雍正志

濟川橋 在城西六里光緒志

左龍鬚河橋 有四距城六里者三距城七里者一光緒志

紅橋 在城西七里許光緒志

永安橋

在城西九里許

光緒志

興隆橋

在城西九里以上八橋均清同治十一年分省補用道岑

毓寶倡修又率官紳鹽商等捐修西關外至碧關大路計三十里

光緒志

霖雨橋

在城北十里羅丈村清康熙四十九年郡人熊武兆等重

修

雍正志

嘉慶四年巡撫初彭齡重修

光緒志

初彭齡復修霖雨橋記

會城東北十里許跨盤龍江有橋曰霖雨演故多高原山農以恆陽爲慮前賢之菴是邦者遇旱輒祀於龍泉觀路必經此意者禱雨立應茲橋所以名與而志僅存重修歲月蓋其從來者遠矣江發源尋甸之木龍馬經嵩明邵甸里黑龍潭水入焉西南至昆明

松華壩流七十餘里入昆池自茲橋以上左受竹園蓮峯諸等之水右受銀稜河白龍潭諸水曲折迴旋或澗而流或激而波橋以南達敷澤門外夾岸皆民居市肆河身始直考工記曰溝必因水勢防必因地勢善溝者水漱之善防者水淫之然則茲橋也匪直

行李之享衢蓋亦曲流之保障爾夫流曲則多游湍水激之橋故多毀管子云導水源通鬱閉脊津梁此謂遺之以利又云歲高其隄所以不沒也冬春取土於中秋夏取土於外濁水入之不能爲敗諒哉斯言深有當於畝漚隄防之利哉嘉慶四年秋橋爲急漲

衝潰司事會議請修余適於是多銜命來滇其時正合管子取土高隄之法於以占攸往於以濬游湍殆一舉而兼有其利亟以入告發帑興工委官偕紳士董其事經始是年十一月明年春三月報歲斯役費帑金千八百兩有奇方伯觀察首郡縣又捐錢千緡

除橋下之壅積而深之俾迅流至此少滯以免杜塞之虞所謂脊津梁者非歟紳士以落成請爲文以記之余惟一介之士苟存心利物於人必有所濟矧徒枉輿梁之成政體攸係茲橋之完善如初宜也因是以思舉錫爲雲決渠爲雨一河之利誠溥而其惠亦孔亟也備患於未然則省費以獲安古者壩流之法備水之器空洶浚治之功豈嘗取辦臨時哉然則疏川導滯鍾水豐物令斯民均得饒流膏之慶所厚望於良有司者如此橋矣遂允所請而爲文以記其事云

馬村橋 在城北十里盤龍江上兵燹傾圮清光緒七年由善後局

籌款重修改建木橋計六空

光緒志

大波村橋 在城北二十里被水衝決清光緒四年糧儲道崔尊彝

籌款重修

光緒志

白沙河橋 在城北二十里沙靠村清光緒八年署糧儲道崇繕水

利同知魏錫經籌款重修

光緒志

小河石橋 在城北四十里邵甸盤龍江上兵燹傾圮清光緒四年

糧儲道崔尊彝籌款重修

光緒志

永安橋 在城北陳家營清光緒七年重修

光緒志

迎仙橋 在城東北二十里鳴鳳山麓明萬曆二十七年巡撫陳用

賓建

雍正志

永濟橋 在城東北三十里松花山鎖盤龍江之上流清康熙間重

修

雍正志

富民縣

高橋

在城東二里

富民縣志

大營橋

有二在城東三五里許

富民縣志

永定橋 在城南門外舊名天河橋水出昆海明萬曆四十六年知

縣許成德建

雍正志

興梁跨河高可數丈上覆瓦屋二十楹旁有窗壁

遠望如空中樓閣日中爲市

雲南府志

清乾隆十三年被水衝坍士民重

修嘉慶二年火燬知縣虞衡倡修咸豐間兵燹傾圮光緒七年知

縣志秀倡修

光緒志

樂濟橋

在城南十里黃土坡入省大路清康熙十九年邑人劉在

田建雍正十一年知縣楊體乾重修道光二十六年被水衝圯咸

豐五年士民重修易以石

光緒志

觀音橋

在城西四里土主廟村旁

富民縣志

永平橋

在城西八里清水河村前

富民縣志

永固橋

在城西十五里通羅次路清康熙四十年知縣梁衍祚建

雍正志

在城西十里大石頭內

富民縣志

登仙橋

在城北門外

富民縣志

太明知縣韓位甫登仙橋記

縣西有龍潭渠水竝西北清水渠至土主祠山下合流東入河直縣之北舊搭木以渡夏秋雨潦漂沒民苦揭厲迺謀爲橋耆氏李萬春願捐貲助焉會明旨以開路檄縣議上遂鳩工營造逾月橋成由是冠蓋星輶商旅負販摩肩接踵不啻袂帷汗雨登橋而望

南入滇池想碧雞金馬之勝則王褒之所禱祀而求也北顧瀘水懷綸巾羽扇之風則諸葛之所經略而定也况復四山蒼翠平疇衍迤其流清駛其途坦夷雨晴利涉寒暑弗病行者謳倦者息萬目欣欣王路平平車馬雍雍旗旗翩翩乃顧小史書其名曰登仙

太平橋 在城北十里通武定路清康熙十九年邑人劉在田建雍正志

咸豐六年山水衝決士民劉復旦寸明珠倡修同治六年復決知

縣志秀率縣民王庚樂倡修光緒志

者北橋 有二俱在城北四十里通武定路清康熙十九年邑人劉

在田建雍正志光緒七年秋漲衝決附貢楊時昌倡修光緒志

宜良縣

狗街渡 在城東南三十里雍正志舊橋朽壞今倡建新橋添設渡船宜良縣志

知縣李淳新建狗街渡橋記

余既倡士庶建陳所渡橋復倡建狗街渡橋非喜事也政非虛文要於實事事非一節歸於便民便民者在去其所病而期於有濟夫民之所病而期於有濟者莫渡若也狗街距宜城三十里承大池江大赤江之流匯明湖諸水之灌注而出鐵池河入路南界其

水較諸渡口為大其病涉尤甚舊設有船渡便夏秋之往來至冬春水勢稍殺則宜於板橋惜興舉無人行者苦之余乃捐貲二十士庶樂義爭先購材鳩工不日竣事並升高舊橋房為拆卸之所經畫田租為久遠之計而橋事備矣今聖人在上軫恤民艱饑溺

廬念而司牧者仰承德意循分而盡所得爲邑宰職也謹書其事以期後之蒞斯土者共勉焉

石家渡 在城東南二十里清康熙間置有田地爲造船濟渡之費

宜良縣志

按爲本縣南部東西交通要隘

高古渡 在城東南三十五里有公田爲濟渡之費

宜良縣志

高嶢村渡 在城北三里雍正志一名高橋村渡有公田作渡船工役之

費

宜良縣志

長安村渡 在城北五里雍正志有公田作渡船工役之費

宜良縣志

三道水渡 在城北十里有公田爲修船工役之費

宜良縣志

按爲縣城至北古城之要道

陳家渡 在城東三里雍正志在城北十五里邑士民捐設並捐置田畝